

SASTANAK S PREDSTAVNICIMA GRADA SREBRENIKA

04.02.2026 14:39



Dana 4. februara 2026. godine, u prostorijama Federalne uprave za geodetske i imovinsko-pravne poslove, održan je sastanak direktora Uprave, gosp. Željka Obradovića, sa saradnicima, te gradonačelnika Grada Srebrenika, gosp. Adnana Bjelića, sa saradnicima.

Na sastanku se razgovaralo o trenutnom stanju sektora zemljišne administracije na području Grada Srebrenika, kao i o budućim planovima i aktivnostima. Poseban naglasak stavljen je na usaglašavanje (harmonizaciju) podataka između katastra i zemljišne knjige, te su razmatrani planovi za početak implementacije aktivnosti kroz projekat GIVE. Učesnici sastanka razmotrili su i teme vezane uz Adresni registar i Registar cijena nekretnina te usaglasili daljnje korake njihove implementacije.

Obje strane izrazile su zadovoljstvo dosadašnjom implementacijom projekata u okviru sektora zemljišne administracije na području Grada Srebrenika, te je istaknuto očekivanje pojačanog angažmana u narednom periodu, posebno u vezi s aktivnostima harmonizacije i ostalim dogovorenim aktivnostima.